

Cartulaire de l'Abbaye de Redon en Bretagne: [832–1124], Nr. 326

Notum sit omnibus legentibus qualiter Rogerius, filius Harduini, tradidit Sancto Salvatore abbati Almodio, per manus Coruuetheni monachi, in perpetua firmitate, aecclesiam Sancti Martini, sitam in plebe quae nuncupatur Baselgiaca, cum omnibus decimis ad aecclesiam pertinentibus, cum cimiterio, cum altare proprio, cum sedecim porcionibus terrae quae lingua eorum acres nominantur, sine ullo tributo, sine censu ulli homini sub caelo, excepto si ipsi Rogerio contigerit necessitas aliqua mittendi legationem, ipse monachus eam preferat, cum equis et cum impensis ipsius, annuente Riuuallono domino ipsius de Mille et testante, et Gilleberto filio Malberio qui decimae quamdam partem ipsius tradidit; Tetansfredus, filius Heberti, qui similiter egit, et Humfridus, filius Ansgot, qui suam portionem decimae dedit similiter, et Robertus, filius Milo, qui similiter suam dedit particulam, et Antelmus similiter suam. Et hi omnes societatem suam susceperunt de manu Coruuetheni monachi, iubente Almodo abbate ceterisque fratribus ob hanc. donationem; et hi omnes testes defensoresque huius donationis sunt, cum omnibus infrascriptis: Guarin, filius Ancetil, testis; Radulfus, filius Geraldi, testis; imperante et concedente Roberto comite et Iohanne episcopo; testis Rodulfo de Astin. His vero omnibus testantibus et annuentibus, facta est donatio haec, die kalendarum iun.